

JAVNI POZIV ZA PRIJEM KORISNIKA - INKUBANATA U POSLOVNI INKUBATOR (SEI CENTAR)



Projekat "Socio-ekonomska inkluzija u Brčko distriktu BiH" (SEI) finansira Vlada Republike Češke, a implementiraju CARE International Balkans i Razvojno-garantni fond Brčko distrikta BiH (RGFBD).



SADRŽAJ

O SEI PROJEKTU	2
Zašto ovaj program?	3
Definicije u smislu ovog Javnog poziva	4
Cilj Javnog poziva	4
Šta se nudi kroz program?	4
UČEŠĆE U JAVNOM POZIVU	5
Šta je potrebno za apliciranje na ovaj Javni poziv?	5
Kriterijumi za bodovanje	6
Način odabira i dodjele sredstava	6
Podnošenje prijava za učešće na Javnom pozivu	8

Napomena: U daljem tekstu Javnog poziva pojedini izrazi u muškom ili ženskom rodu, upotrebljeni su neutralno i odnose se na muška i ženska lica.

O SEI PROJEKTU

SEI ima za cilj da odgovori na izazove koji su vezani za povoljnije okruženja za socio-ekonomsko uključivanje marginalizovanih grupa¹, i to kroz stvaranje mogućnosti za zapošljavanje, preduzetništvo za nezaposlene i povećanjem nivoa vještina koje odgovaraju postojećim mogućnostima zapošljavanja. CARE i partneri će blisko sarađivati sa institucionalnim zainteresovanim stranama i nevladinim akterima na predlaganju i implementaciji mjera koje će se baviti pitanjima i preprekama za socio-ekonomsku inkluziju, kroz uspostavljanje Centra za socio-ekonomsku inkluziju. Cilj je stvoriti nova radna mjesta uz povezivanje svih aktera u lancu vrijednosti kroz savjetodavne i finansijsku podršku startup-ima početnicima, postojećim preduzećima i nezaposlenim marginaliziranim osobama.

Inicijalna procjena o socio-ekonomskoj situaciji u Brčko distriktu je prikupljena analizom dostupne dokumentacije i izvještaja međunarodnih međuvladinih agencija, domaćih institucija i statističkih agencija, te intervju sa partnerima i organizacijama koje predstavljaju ili rade sa marginalizovanim grupama u Brčko distriktu. Prema inicijalnim procjenama, marginalizovane grupe stanovništva i pojedinci koji se suočavaju sa ranjivostima zbog svog pola, rase, seksualne orijentacije, fizičkih sposobnosti i socijalnog statusa su u većoj opasnosti da zapadnu u siromaštvo zbog predrasuda i društvenih normi u društvu, kao i nedostatka senzibiliteta i fizičkog, administrativnog i socijalnog statusa. Naprimjer, Romi, se susreću sa brojnim izazovima za socijalno uključivanje. Prema podacima romskih nevladinih organizacija, otprilike 1,35% romske populacije je zaposleno. Druga grupa stanovništva koja se suočava ne samo sa društvenim izazovima, već i sa fizičkim preprekama kada je u pitanju njihova socijalna uključenost i zapošljavanje su osobe sa invaliditetom (OSI) koji su također ciljna grupa projekta. Nadalje, žene, posebno one koje dolaze iz marginalizovanih grupa, su u nepovoljnom položaju u pogledu zapošljavanja. Zadnji statistički podaci govore da procenat od preko 60% od ukupnog broja nezaposlenih u Brčko distriktu čine žene. Projekat će posebnu pažnju posvetiti i mladima zbog sve većeg trenda emigracije.

¹ S obzirom, i imajući u vidu heterogenost marginaliziranih i ranjivih skupina, pri čemu svaka od njih ima specifične probleme i potrebe, SEI Projekat posebnu pažnju pridaje sljedećim kategorijama stanovništva i to: žene, mladi, osobe sa poteškoćama u razvoju / osobe sa invaliditetom, pripadnici nacionalnih manjina (posebno Romske populacije) te dugoročno nezaposlene osobe.

Osnovni postavljeni rezultati projekta su:

- **Rezultat 1** – Ugrožene i ranjive populacije Brčko distrikta su povećale svoje kapacitete za zapošljavanje i poznavanje prava, kroz obuke sprovedene kroz projekat i podizanje svijesti;
- **Rezultat 2** – Povećanje kapaciteta, vještina i mogućnosti zapošljavanja za nezaposlene građane i otvaranje novih radnih mjesta za ugrožene i ugrožene grupe, kroz projektnu finansijsku i tehničku podršku.

Osnovne usluge novoformiranog Centra za socio-ekonomsku inkluziju (nadalje: SEI Centar) su:

- **Psiho-socijalna podrška** - Pružanje podrške kroz individualni i grupni rad sa korisnicima, odnosno ciljnim grupama projekta što olakšava pristup uslugama, kako SEI Centra, tako i drugih institucionalnih oblika podrške ugroženim građanima i građankama Brčko distrikta BiH.
- **Poslovni inkubator** - Poslovni inkubator je dio preduzetničke infrastrukture koji se nalazi u SEI Centru i omogućava poslovanje minimalno 10 fizičkih ili pravnih lica, a koji će biti dodatno podržan kroz rad SEI Centra.
- **Podrška za zapošljavanje i samozapošljavanje** - Pružanje podrške kroz obuke, grantove, savjetovanje i tehničku pomoć olakšava socijalno ugroženim osobama da započnu ili prošire svoje poslovanje, što doprinosi njihovoj ekonomskoj stabilnosti i inkluziji.
- **Obrazovanje i stručno usavršavanje** - SEI Centar će pružati obrazovne programe i stručne obuke koje povećavaju kapacitete i vještine socijalno ugroženih osoba, što im omogućava lakši pristup zapošljavanju ili samozapošljavanju.
- **Informisanje i osvještavanje** - SEI Centar će provoditi kampanje informisanja i osvještavanja o dostupnim uslugama i podršci socijalno ugroženim osobama da bolje iskoriste resurse koji su im na raspolaganju.
- **Inkluzivnost i pristupačnost** - Uklanjanje arhitektonskih barijera i prilagođavanje javnih prostora omogućava osobama s invaliditetom jednak pristup obrazovanju, zdravstvenim uslugama i zapošljavanju.

Shodno navedenom, SEI raspisuje Javni poziv za prijem korisnika - inkubanata u poslovni inkubator (SEI Centar)

Opis Javnog poziva

Korištenje usluga Poslovnog inkubatora SEI Centra namijenjeno je jačanju preduzetničke infrastrukture i poticanju lokalnog ekonomskog razvoja Brčko distrikta BiH. Osnovni cilj javnog poziva jeste stvaranje povoljnog poslovnog ambijenta za pokretanje i razvoj novih biznisa, uz poseban fokus na marginalizovane i ranjive

kategorije stanovništva – žene, mlade, osobe s invaliditetom i dugoročno nezaposlene.

Podrška kroz poslovni inkubator podrazumijeva obezbjeđivanje kancelarijsko-poslovnog prostora, tehničke i savjetodavne podrške, pristup zajedničkoj opremi i mentorstvo u razvoju poslovnih ideja i planova. Na ovaj način, korisnicima se pruža konkretna pomoć u prevazilaženju početnih prepreka u poslovanju i jača se kapacitet lokalnih preduzetnika za dugoročno održiv i konkurentan razvoj.

Program ima za cilj da kroz stvaranje novih radnih mjesta, promociju inovacija i podršku preduzetničkim inicijativama, doprinese smanjenju nezaposlenosti i povećanju broja mikro, malih i srednjih preduzeća. U konačnici, Poslovni inkubator SEI Centra doprinosi tome da Brčko distrikt BiH postane prepoznat kao prostor otvoren za nove ideje, investicije i ekonomski napredak.

Trajanje podrške kroz korištenje usluga poslovnog inkubatora definisano je u trajanju od 6 do 36 mjeseci, u zavisnosti od dinamike razvoja poslovnog subjekta, uz uslove koji se precizno definišu ugovorom o korištenju inkubatorskih usluga.

Imajući u vidu heterogenost marginalizovanih i ranjivih grupa, pri čemu svaka od njih ima specifične probleme i potrebe, SEI posebnu pažnju pridaje sljedećim kategorijama stanovništva i to: žene, mladi, osobe sa poteškoćama u razvoju, osobe sa invaliditetom, pripadnici romske nacionalne manjine, te dugoročno nezaposlene osobe.

Definicije u smislu ovog Javnog poziva

Poslovni inkubator predstavlja institucionalnu podršku preduzetnicima u ranoj fazi razvoja biznisa. To je strukturisano okruženje koje pruža fizički prostor, tehničke resurse, savjetodavne i edukativne usluge, s ciljem da se omogući održiv rast novoosnovanih ili neregistrovanih biznisa. Poslovni inkubator SEI Centra ima za cilj smanjenje rizika poslovanja i povećanje šansi za uspjeh korisnika kroz stručnu i mentorsku podršku. Poslovni inkubator je dio preduzetničke infrastrukture koji se nalazi na adresi M. Malića i I. Džindića br. 4 u Brčko distriktu BiH (SEI Centar) i omogućava poslovanje minimalno 10 fizičkih ili pravnih lica.

Inkubant je fizičko ili pravno lice koje koristi usluge Poslovnog inkubatora, uz prethodno odobrenje Razvojno-garantnog fonda Brčko distrikta BiH. Inkubant ima definisan poslovni plan i razvojni potencijal, te koristi infrastrukturnu, administrativnu i stručnu podršku s ciljem osnivanja, razvoja i stabilizacije sopstvenog biznisa u ranoj fazi poslovanja;

Cilj Javnog poziva

Kroz stvaranje podsticajnog poslovnog okruženja, program ima za cilj da pruži konkretnu podršku u najranijim fazama razvoja biznisa. Cilj poziva je da osobama koje pokreću ili razvijaju sopstveni biznis omogući pristup prostoru, stručnoj podršci i savjetovanju, čime se povećavaju njihove šanse za uspješan i održiv poslovni razvoj.

Korištenje usluga Poslovnog inkubatora SEI Centra ima za cilj doprinos ekonomskom razvoju Brčko distrikta BiH kroz podršku razvoju održivih i konkurentnih poslovnih inicijativa. Fokusiran na promociju preduzetničkog duha i jačanje inovativnih ideja, inkubator posebno pruža podršku licima iz marginalizovanih kategorija stanovništva, mladim preduzetnicima i novoosnovanim poslovnim subjektima. Kroz obezbjeđivanje infrastrukturnih resursa, stručnog mentorstva, obuka i pristupa poslovnim mrežama, inkubator omogućava korisnicima da lakše pokrenu, razviju i stabilizuju svoje poslovanje. Na taj način, Poslovni inkubator djeluje kao mehanizam za stvaranje novih radnih mjesta, smanjenje nezaposlenosti i jačanje lokalne privrede, čime Brčko distrikt BiH postaje podsticajno i inkluzivno okruženje za preduzetnički razvoj.

Šta se nudi kroz program?

Osnovne usluge od strane Poslovnog inkubatora koju će inkubant imati u periodu od 6 mjeseci (minimalno) do 36 mjeseci (maksimalno) su:

- a) **Finansijske usluge** - pokrivanje mjesečnih troškova komunalnih usluga (grijanja, el. energije, vode, odvoza smeća i sl.) koji su proistekli iz korištenja Poslovnog inkubatora,
- b) **Korištenje materijalnih resursa** - kancelarijsko-poslovnog prostora, internet konekcije, sale za sastanke i prezentacije kao i zajedničke opreme (*štampači, skeneri, foto-kopir, projektor, računari, laptopi*) po potrebi i u skladu sa raspoloživim mogućnostima Poslovnog inkubatora,
- c) **Administrativne usluge** - adresa sjedišta firme, poštansko sanduče,
- d) **Stručne usluge** – obuke i savjetovanja u oblasti poslovnog planiranja, usluge informisanja o aktuelnim pozivima za projekte i raspoloživim fondovima, podršku u pripremi prezentacija i apliciranje za pozive, potencijalne partnere i kupce, u skladu sa iskazanim potrebama inkubanta i raspoloživim resursima Poslovnog inkubatora,
- e) **Pokrivanje ostalih troškova** gdje spadaju održavanje zajedničkih dijelova zgrade i prostorija poslovnog inkubatora, redovno održavanje poslovnih prostora, nužnih i hitnih popravaka, te video nadzora.

Pod redovnim održavanjem poslovnog prostora smatra se: redovni servisi na instalacijama vodovoda, kanalizacije i elektroinstalacija, održavanje urednosti i prohodnosti puteve do dijela unutrašnjeg dijela prostora Poslovnog inkubatora što

uključuje čišćenje prilaznog prostora, čišćenje odvodnih rešetaka, odvoda i oluka, čišćenje snijega zajedničkih puteva i održavanje rasvjete.

U nužne popravke spadaju: sanacije krovne konstrukcije, sanacije ravnih i kosih krovova, popravka fasade zgrade.

U hitne popravke spadaju: kvarovi na sistemu centralnog grijanja, puknuća, oštećenja i začepjenja vodovodne i kanalizacione instalacije radi sprječavanja daljnjih štetnih posljedica, kvarovi na električnoj instalaciji, otpadanja dijelova fasade.

Inkubant je dužan o svom trošku na poslovnoj prostoriji izvršiti popravku oštećenja koje je sam prouzrokovao, kao i na opremi koja mu je data na korištenje.

Inkubanti su obavezni da poštuju kućni red Poslovnog inkubatora, te aktivno učestvuju u revizijama i evaluaciji svoje poslovne inkubacije. Prava i obaveze koja inkubanti ostvare kroz ovaj javni poziv, ne mogu se prenositi na druga lica, izuzev u slučaju kada je to opravdano i pismenim putem dozvoljeno od strane donatora.

UČEŠĆE U JAVNOM POZIVU

Na ovaj Javni poziv mogu aplicirati lica koja imaju prijavljeno prebivalište na prostoru Brčko distrikta BiH najkasnije na dan raspisivanja ovog javnog poziva, te ispunjavaju najmanje jedan od sljedećih eliminatornih uslova:

- Da je aplikant ili potencijalni inkubant, u skladu sa Zakonom o registraciji poslovnih subjekata u Brčko distriktu BiH („Službeni glasnik Brčko distrikta BiH“ broj: 11/20), registrovao privredno društvo kao samostalni preduzetnik (u daljem tekstu: s.p.) ili kao društvo sa ograničenom odgovornošću (u daljem tekstu: d.o.o.) koje je osnovano u zadnjih 36 mjeseci do dana otvaranja poziva za prijem u Poslovni inkubator,
- Da aplikant, potencijalni inkubant je u postupku registracije s.p. ili d.o.o. za vrijeme trajanja javnog poziva,
- Da aplikant, potencijalni inkubant će se registrovati u narednih 6 mjeseci od dana otvaranja poziva za prijem u Poslovni inkubator.

Učešće na ovom Javnom pozivu nije moguće ukoliko aplikant obavlja, ili planira da obavlja djelatnost koja se tiče proizvodnje ili trgovinu alkohola, duvana, igara na sreću ili drugih djelatnosti koje nisu prihvatljive od strane donatora i implementatora.

Za vrijeme boravka u poslovnom inkubatoru, inkubant ne može aplicirati na javne pozive SEI projekta koji pružaju grant podršku.

Kako aplicirati?

Za apliciranje na Javni poziv potrebno je u elektronskoj formi popuniti Obrazac A - prijava na Javni poziv koja je sastavni dio ovog Javnog poziva i priložiti:

Aplikanti - pravna lica:

- Rješenje o registraciji;
- Kopiju Ugovora o radu za vlasnika;
- Ukoliko je relevantno, dokumentaciju kojom aplikant dokazuje svoju pripadnost ili pripadnost zaposlenih osoba, određenoj marginalizovanoj grupi;
- Dodatnu dokumentaciju kojom se dokazuju navodi iz prijave.

Aplikanti - fizička lica:

- Kopiju lične karte;
- Uvjerjenje o prebivalištu;
- Za aplikante koji se nalaze na evidenciji Zavoda za zapošljavanje Brčko distrikta BiH - Potvrdu Zavoda da se aplikant nalazi na aktivnoj evidenciji nezaposlenih;
- Ukoliko je relevantno, dokumentaciju kojom aplikant dokazuje pripadnost određenoj marginalizovanoj grupi;
- Dodatnu dokumentaciju kojom se dokazuju navodi iz prijave.

Kriterijumi za bodovanje

Odabir aplikanata vršiće se u skladu sa sljedećim kriterijima i njihovom vrijednošću:

- a) Step en razvoja potencijalnog inkubanta,
- b) Usklađenost poslovne ideje sa prioritetima i mjerama iz Strategije razvoja Brčko distrikta BiH ili druge usvojene sektorske strategije na nivou Brčko distrikta BiH,
- c) Društveni kriterijum,
- d) Ekološki kriterijum.

1) Stepen razvoja potencijalnog inkubanta	Potencijalni inkubant je s.p. ili d.o.o. osnovan u zadnjih 12 mjeseci od dana otvaranja poziva za prijem u Poslovni inkubator	Preduzeće je u postupku registracije s.p. ili d.o.o.	Preduzeće će se registrovati u narednih 6 mjeseci od dana otvaranja poziva za prijem u Poslovni inkubator	Potencijalni inkubant je korisnik granta za samozapošljavanje Zavoda za zapošljavanje Brčko distrikta BiH ili SEI projekta <i>(dodatni bodovi)</i>
	30 bodova	20 bodova	10 bodova	5 bodova
Maksimalan mogući broj bodova za kriterijum 1:				35 bodova
2) Usklađenost djelatnosti ili poslovne ideje sa prioritetima i mjerama iz Strategije razvoja Brčko distrikta BiH ili druge usvojene sektorske strategije na nivou Brčko distrikta BiH	Djelatnost ili poslovna ideja doprinosi realizaciji dvije ili više mjera iz Strategije razvoja Brčko distrikta BiH ili druge usvojene sektorske strategije na nivou Brčko distrikta BiH	Djelatnost ili poslovna ideja doprinosi realizaciji jedne mjere iz Strategije razvoja Brčko distrikta BiH ili druge usvojene sektorske strategije na nivou Brčko distrikta BiH	Djelatnost ili poslovna ideja može potencijalno doprinijeti realizaciji nekih od prioriteta i mjera iz Strategije razvoja Brčko distrikta BiH ili druge usvojene sektorske strategije na nivou Brčko distrikta BiH	Djelatnost ili poslovna ideja je utemeljena na više Strategija na nivou Brčko distrikta BiH i/ili BiH <i>(dodatni bodovi)</i>
	30 bodova	20 bodova	10 bodova	5 bodova
Maksimalan mogući broj bodova za kriterijum 2:				35 bodova
3) Društveni kriterijum	Aplikant je osoba sa invaliditetom ² ili osoba sa poteškoćama u razvoju ³	Aplikant je mlada osoba ⁴ ili žena <i>(dodatni bodovi)</i>	Aplikant pripada romskoj nacionalnoj manjini <i>(dodatni bodovi)</i>	Aplikant pripada kategoriji teško zapošljivih lica prema definiciji Zavoda za zapošljavanje Brčko distrikta BiH <i>(dodatni bodovi)</i>
	30 bodova	15 bodova	10 bodova	5 bodova
Maksimalan mogući broj bodova za kriterijum 3:				60 bodova
4) Ekološki kriterijum⁵	Djelatnost ili poslovna ideja značajno	Djelatnost ili poslovna ideja djelomično	Djelatnost ili poslovna ideja može se prilagoditi	Djelatnost ili poslovna ideja se jasno referiše

² Prema entitetskim zakonima koji tretiraju materiju profesionalne rehabilitacije, osposobljavanja i zapošljavanja osoba s invaliditetom, u kontekstu ovog Javnog poziva, osoba s invaliditetom je osoba kod koje je utvrđen određeni stepen tjelesnog oštećenja ili trajnog oštećenja organizma, što rezultuje smanjenjem radne sposobnosti i mogućnosti za uključivanje u društvo.

³ Ovaj termin se odnosi na osobe kod kojih su prisutna dugotrajna oštećenja, bilo fizička, mentalna, intelektualna ili senzorna, koja mogu ometati njihovo puno i efektivno učešće u društvu na ravnopravnoj osnovi s drugima.

⁴ Prema Zakonu o mladima Brčko distrikta BiH, "mladi" su osobe uzrasta od 15 do 30 godina.

⁵ Tehnologije koje su ekološki štetne i neprihvatljive ne mogu biti zastupljene.

	doprinosi zaštiti životne sredine kroz primjenu inovativnih rješenja, cirkularne ekonomije ili jasno definisanog principa održivog korištenja resursa	doprinosi zaštiti životne sredine i sadrži elemente inovativnosti ili primjene principa cirkularne ekonomije	tako da doprinosi zaštiti životne sredine, sa mogućnošću integracije principa cirkularne ekonomije ili drugih inovativnih ekoloških rješenja	na Strategiju zaštite životne sredine Brčko distrikta BiH (dodatni bodovi)
	15 bodova	10 bodova	5 bodova	5 bodova
Maksimalan mogući broj bodova za kriterijum 4:				20 bodova
UKUPNO BODOVA (kriterijumi 1+2+3+4):				150 bodova

Komisija će vršiti ocjenu objektivnih kriterijuma, te davati jedinstvenu ocjenu za svakog aplikanta posebno.

Način odabira i dodjele sredstava

CARE zajedno sa projektnim partnerom RGFBD će imenovati Komisiju za odabir pripravnika, koju čini 5 članova. Nakon zatvaranja javnog poziva Komisija, u skladu sa gore navedenim i objavljenim kriterijumima, pristupa provjeri dostavljene dokumentacije i rangiranju aplikanata.

Članovi Komisije potpisuju Izjavu o nepostojanju sukoba interesa i nepristrasnosti prije pristupanja razmatranju prijava. U slučaju postojanja sukoba interesa, po saznanju, bodovanje vrši zamjenski član Komisije koji će biti odabran iz reda zaposlenika na projektu SEI.

Izbor korisnika se vrši na osnovu podnesene aplikacije putem Obrazca za prijavu u roku propisanom ovim Javnim pozivom.

Članovi Komisije nastoje donijeti odluku konsenzusom, odnosno usaglašenim stavom o bodovima koji će se dodijeliti pojedinom aplikantu za svaki pojedinačni kriterij. Jednoglasna odluka osigurava objektivnost i jednakost u postupku ocjenjivanja aplikacija. Ukoliko članovi Komisije imaju različite procjene prilikom bodovanja pojedinog aplikanta, pristupa se formiranju ocjene na način da se za dati kriterij uzima srednja vrijednost bodova.

Ukoliko više aplikanata nakon bodovanja ima isti broj bodova, prednost ima onaj aplikant koji pripada u više marginalizovanih grupa. Ako su aplikanti izjednačeni po prethodnom pravilu, prednost će imati aplikant koji se vremenski duže nalazi na aktivnoj evidenciji Zavoda za zapošljavanje Brčko distrikta BiH. U slučaju da i nakon primjene ovog pravila aplikanti imaju isti broj bodova, prednost će se dati aplikantu koji je prije podnio aplikaciju.

Ukoliko odabrani aplikant sa rang liste dostavi dokumentaciju koja ne odgovara izjavama u Prijavi na ovaj Javni poziv, te ukoliko odabrani aplikant odustane od

podnesene prijave iz bilo kojeg razloga, sredstva će biti dodijeljena sljedeće rangiranom aplikantu, prema redoslijedu na rang listi.

Podnošenje prijave za učešće na Javnom pozivu

Za apliciranje na Javni poziv je potrebno popuniti obrazac za prijavu na Javni poziv za prijem korisnika - inkubanata u poslovni inkubator (SEI centar), zajedno sa kopijama dokumenata kojim se dokazuju navodi iz Prijave, i dostaviti na jedan od sljedećih načina:

1. **Lično**, u prostorije SEI Centra:
Adresa: M. Malića i I. Džindića br. 4, 76100 Brčko distrikt BiH
Radno vrijeme: od 7:30 do 15:30h
2. **Poštom**, na adresu:
SEI Centar
M. Malića i I. Džindića br. 4
76100 Brčko
Sa naznakom: "Prijava na Javni poziv za prijem korisnika - inkubanata u poslovni inkubator (SEI Centar)"
3. **Elektronski (e-mail):**
Popunjen i potpisan obrazac prijave sa pratećom dokumentacijom, sve jasno skenirano, poslati na:
info@seibrcko.ba

Ukoliko postoje bilo koje nejasnoće, Vaše upite možete poslati isključivo putem e-mail adrese info@seibrcko.ba. Odgovori na sva pitanja biće blagovremeno javno obavljani na web stranici <https://seibrcko.ba/>.

**Prijave moraju biti dostavljene najkasnije do
29.8.2025. do 15:30h.**

Prijave podnesene nakon isteka roka neće biti uzete u razmatranje. Dopunu prijava je moguće izvršiti najkasnije do okončanja Javnog poziva.

Ukoliko postoje bilo koje nejasnoće, Vaše upite možete poslati najkasnije 5 dana do zatvaranja Javnog poziva isključivo putem e-mail adrese info@seibrcko.ba. Odgovori

na sva pitanja biće javno obavljani na web stranici <https://seibrcko.ba/> najkasnije 3 dana prije zatvaranja Javnog poziva.

VREMENSKI OKVIR REALIZACIJE JAVNOG POZIVA

Aktivnost	Datum realizacije
Objavljivanje javnog poziva	9.6.2025
Rok za podnošenje prijava	29.8.2025. do 15:30h
Evalvacija i objava preliminarne rang liste aplikanata	2.9.2025.
Rok za podnošenje žalbi na preliminarnu rang listu	od 5. do .10.9.2025.
Objava konačne rang liste aplikanata	11.9.2025.
Potpisivanje ugovora s korisnicima	15.9.2025.

Napomene:

- SEI zadržava pravo izmjene navedenih rokova uz prethodno obavještenje svim aplikantima.